

10. Marts 2023

UPA2023/106

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiupparput:

**Puisit amiinik tunisassiornerup qanoq siuarsarneqarsinnaanera kiisalu suut qanorlu iliuitsit sine-riapput tamakkerlugu puisit amiinik tunioraernerup siunissami qaffasissumiitittuarnissaanut ilu-aqutaasinnaanerat pillugu apeqquteqaat aallaavigalugu oqallinnissamik siunnersuut**  
(Inatsisartunut ilaasortaq Lars Poulsen, Siumut)

Tamanik ilisimaneqarpoq nunatsinni puisit amiinik tunisassiorneq ukiuni kingullerni tunisaasartut eqqarsaatigalugit aningaasaliissutaasut tamakkerlutik atornerarneq ajortut, naak Great Greenland A/S amernik tunisassiassanik amigaateqaraluartoq, ammit Great Greenland-mut apuunneqartinnatik nalilinngortillugit tunisassiarineqarsinnaasanngillat, nunatsinnimi illoqarfiit nunaqarfiillu amernik pisiortorfiusut ilaat sikuutillugit assartuinissaq ajornartarpoq, tunisassiassanillu tigoo-raasut amernik amerlanerusunik pisiortorsinnaagaluarnerat toqqorsivinnik amigaateqarnerup usinillu assartuisoqarsinnaasannginnerata ajoraluartumik sunnertarpaat, taamaalilluni amerlanerusunik pisiortorsinnaaneq killilerlugu, aningaasaliissutaasartut tamakkerlutik atornerangitsoornerannik kinguneqartartumik. Tamakku tamarmik amernik tunisassiornerup killilersorneqarneranik kinguneqartarput.

Siunissami amernik ammeriviup pilersorneqarnissaa qanoq pitsanngorsaavigneqarsinnaava? isumaqarluinnarpunga nunaqarfinni illoqarfinnilu amernik tigooqaasut atugaat periarfissaallu pitsanngorsarneqartariaqartut, minnerungitsumik toqqorsiveqarnikkut tigooaanerminnilu teknikkikkut atugarisaasa periarfissaasalu pitsanngorsarnissaat eqqarsaatigalugit.

Amernik tigooqaasut Great Greenland sinnerlugu ammit pisiarineqarsinnaasut tigooartarpaat ingerlannartumik “akilerneqaratik” aatsaammi tigooqqagaat akilerneqartarput atorsinnaanersut nalilersuisarfimmut anngukkaangata nalilersorneqareeraangatalu, tamatuma tungaanut akeqanngitsumik sullissisuupput, taamatullu amernik tigooqqaasut tigooqqagaat nalilersuiffiusuni tiguneqanngitsoortut akilerneqarneq ajorput tunniusseqqaarfiusuni tigooqqaasunut akissarsiatigut ajunngitsorsissutaaneq ajorlutik, oqartariaqarpunga amernik tigooqqaasut nersunartumik sulipput tunisassiorneq amernik illersorniarlugu, atugassarititaasut pitsanngorsarneqartariaqarput.

Ullumikkut amernik tigooqqaasut toqqorsivii qerititsivii naliginnaasuupput angerlarsimaffinni atornerartartut assingi, qerititsiviit sarfamik atuinerat amernik tigooqqaasut namminneq aningaa-sartuutigisarpaat, immikkummi amernik tigooqaasut ajunngitsorsiaqaratik sulipput, amernik great

greenland A/S-ip pisiaanik tigusigaangamik, ameq tigusartik nalilersuiffinnut anngutsinnagu akisarsineq ajorput ammillu tigooqqakkamik ilaat assersuutigalugu nalilersuiffiusuni akuerineqanngitsoorsimappata, sunnguamilluunniit pissarsissutigineq ajorpaat naak suliarinera annertugaluaqisoq, qassallugu errorlugu poortorlugu qerititsivimmilu uninngatinnera ilanngullugu aningaasartuutigalugu. Ila ullumikkut amernik tigooqqaasuusut atugarisaat pitsanngorsagassaaqaaq.

Amernik tigooqqaasut qanorliuna akilersorneqartut. Assersuutigalugu natsiup amia ataaseq tunisassiarineqarnissaminut akuerisaasimappat 50,00 kr-mik pissarsissutigisarpaat. Tassanngalu aningaasartuutitik matuniartussaavaat, neriuppunga tamatta takusinnaasavut amernik tigooqqaasut atugaat ajorluinnartut iliuuseqarfigineqassasut. Amernik tunisassiorneq inoqarfiit ilaanni pingaaruteqarpoq allatigummi periarfissaqarfiunngitsuni ameq aningaasarsiutaavoq.

Naluneqangilaq puisip amia suliarineqartinnani nalilinngortinneqarsinnaanngimmat tamannalu aporfissat assigiinngitsut pissutigalugit ajornartorsiutitaqarsinnaavoq, qanoq aqqissuussinikkut pitsanngorsarneqarsinnaava ?

Amernik tigooraasut Great Greenland-ip pisiarisassaa tigugunikku ingerlaannartumik 50,00 kr.-mik pissarsissutigisalersinnaavaat ?

Qerititsivitsigut, toqqorsivitsigut qanoq pitsanngorsaasoqarsinnaava ?

Ammit suliarineqartinnagit Great Greenland A/S-mi qanoq aningaasalersuisinnaaneq allatut aqqissuunneqarsinnaava? tamatumani ilisimaneqarmat ammit suliarineqarfissaminnut ammerivimmut apuunneqartinnagit taamaallaat tigooqqaasunut aningasartuutaasarnerat.

Aqqissuussassat eqqarsaatigalugit siunnersortimik atorfeqartitsinissaq piffissanngunnginnerpa soorlu nunalerinermi tamanna atorpeqartoq?

Isumaqarpunga Nunatsinni puisit amiinik nioqqutissiorneq ajunngitsumik aqqissuukkaanni ineriartorfiusinnaasoq, aamma ajunngitsumik kiffartuussinissamut isumaqatigiissuteqarnikkut aqqissuussisoqarsinnaappat.

Oqallisilluarisi..